

錢塘縣志卷之二十八

錢塘縣知縣南樂魏源纂

一孝女

唐

馮孝女

少孤不嫁以養母母病割股後母死號慟嘔血既葬結草廬墓下日焚香蔬食刺臂血寫佛經仍舍宅為寺以薦母長慶三年詔賜束帛仍賜寺額日報恩今錢塘縣有孝女南北二鄉又有孝女墓在寺後山古城頭

元

陳孝女

父業儒居胭脂領下元統乙亥兵火故居蕩不復存聞殊勝寺設粥供日携孝女丐食僧頗憐

錢塘縣誌

卷之二十八

列女孝女

一

之畱衆寮供榜疏職有李知事者亦寓寺傍一見投合畱之館穀孝女亦得其家歡心居數月女忽謂其父云吾母墓在故居側數年不至矣聞主人將為湖山游能乘此一往拜掃否父以告李欣然與俱既至墓所拜奠李偕其父飲傍舍女悲泣不已久之父勉之還則泣告曰比聞李氏今將北歸吾父子必將從之父老子幼南北萬里何日可再至吾母墓下言訖躡躡呼號聲振林木久而仆地視之死矣因附母塚之傍時年甫十四云

胡守貞

守貞父母及其長弟相繼歿止幼弟宗信相依信長娶婦王氏志清五年而信復死生子貢暨一女守貞謂其嫂曰我終不可以嫁矣清曰姑與妾夫兄弟也視妾子猶子也姑以吾夫與吾子故且不要妾為人妻為人母而可再離乎兩人相向哭誓死守存胡氏飲食臥起相依宛如姊妹然每日鬻書得錢粗足供薪木輒閉門治女事雙杼一燈依倚者十九年洪武甲子守貞年六十卒貢行三年服

葉妙清

榮女早歲喪母躬浴其屍取水注甕中哭則掬而飲之茹素十餘年坐臥儼若見母者初榮代其伯成彭城永樂間累立征討功拜千官臨歿語女曰吾出萬死得一官今不幸中道死子震幼弱族人利吾官者行將不利於震後母年又少女將若之何語未既女哭應曰請得侍我母全撫我弟令嗣父勲終不從婚媾去遺父憂榮卒媾氏至輒峻拒之後榮有兄子麟果欲奪震官百計誘女嫁女剪髮碎面以明已志旦則為震禱於神晝則勤女紅至夜分不寢竟育震成襲父爵終身不嫁繼母王氏弘治間受旌獨不及孝女餘杭鄒幹為著孝烈傳

壽母

明

錢氏

適儒士顧端性質樸不喜鉛華克敦婦道壽百有四歲有司旌其閭曰百歲坊

錢塘縣誌

卷之二十八

列女壽母

二

蔡氏

黃思道妻思道隆慶庚午舉人歷代州知州氏端靜簡厚無他嗜好教子克謙孫機俱慈惠有方克謙官叅議氏猶澹樸長齋脩佛壽百有四歲後以孫大學士貴封一品太夫人

陳氏

汪瀾母舉孝廉不樂于進歸志湖山恒以不獲祿養母為言氏憫之曰吾志也年至九十八歲終其孫霽丙辰進士以博學鴻詞選翰林官至禮部侍郎贈淑人

金氏

顧鼎臣妻壽九十九歲巡按王公某表其閭

國朝

王氏

杜榮德妻事兩世姑俱孝謹氏素強夜不喜寐燈下課諸孫讀危坐無倦一日忽呼諸孫曰吾覺有氣拂拂從頂中出中秋日吾將歸矣如期而逝年百歲子志濠時年亦七十矣踰數月隨沒

丁氏

民馬成妻年百歲自子迄曾元凡五世無疾而終

余氏 諸生朱養蒙妻孝養其舅者二十三年養蒙卒孤甫十二歲嚴督就塾躬操作者七十年始授管鑰於其子婦曰吾今稍可自逸矣年九十四卒

陳氏 嚴炬妻夫婦齊眉至老相莊炬年九十有九飲食如少年顏色腴好氏亦九十有三里人稱之曰人瑞是年先後卒

馮氏 太學生馬從景母康熙五十六年氏壽九十有四矣邑人請載邑乘有曰青年矢節白首完貞云

張氏 江士瀛妻士瀛物故子一鯤方九齡時值歲歉氏勤儉操作備嘗艱苦夫死方七日而鄰火告警氏力扶櫬出子鯤年八十先卒孫鴻禧年六十二弟鴻祚年六十曾玄森立四代兒孫俱氏撫育綠髮紺瞳壽百歲有一有司先後旌表節婦而兼壽母稱盛世之闔瑞云

烈婦

錢塘縣誌

卷之二十八

列女壽母

三

三國吳

徐氏 孫翊妻翊領丹陽太守時媯覽戴員思欲叛逆其所昵邊鴻亦怨翊徐善卜翊他日欲餞諸長吏令

徐卜之徐言卦不佳可須異日翊不聽乃大會賓客翊出入嘗持刀時徒手送客鴻從後斫翊殺之走入山徐氏募追捕中宿乃得諸將皆知覽員所為力不能討覽悉取翊嬪妾欲復取徐徐恐逆之見害乃紿之曰乞須晦日設祭除服潛語翊舊將孫高傅嬰等圖之至期設祭哭畢乃除服薰香沐浴更於他室施帳帷覽密使覘視無復疑意徐呼高嬰與諸婢羅伏戶內使報覽已除凶即吉惟存君命覽盛服入徐出戶拜覽便大呼二君可起高嬰俱出共殺覽餘人即就外殺員徐乃復衰經奉覽首以祭翊墓

元

黃氏五烈 朱氏黃仲起妻至正間張士誠寇杭驅諸婦至令監守期暮且至朱懼辱遂與女臨安奴

俱縊死妾馮氏曰我生何為亦自縊既而仲起弟婦蔡抱其幼子與乳母湯皆自殺一門五烈

朶那 杭城東偉兀氏之女奴也年十九勤敏謹愿其主官他郡卒朶那奉主婦惟日謹至正二十年秋七月十日寇陷杭劫官民府庫至偉兀氏家無所得乃縛主婦柱下欲殺之侍婢皆散走朶那獨以身蔽主婦且告曰將軍所利者財豈利殺人哉家之寶貨皆我所藏主母固勿知若免主母我當悉與將軍寇喜即解主母縛乃探金銀珠玉幣帛等物置堂上寇爭取之又欲犯朶那朶那持刀欲自屠曰我主二千石我誓不從他姓主况汝賊乎寇驚異捨而去朶那乃泣拜主婦曰棄主貨全主命權也妾受命主鑰失貨而全身非義也請從此死乃自殺時人重其義烈

明

魏氏 蕭山人名德盛文請公女孫幼有志操涉書史擇配錢塘儒士鄭璽贅於家璽回杭得暴疾德盛往

錢塘縣誌

卷之二十八

列女烈婦

四

侍湯藥祖母與俱行比至璽已暝德盛至夕以帕自縊於尸側祖母解之歸渡羅刹江欲投水死祖母挽之抵家欲自縊家環守之斷髮爪面嚙無名指流血不止死以治聞奏聞表其門曰孝烈

顧氏 適秦某業醫不售兼病痿廢貧甚為父母所逐無所得食口惟掬水取腐渣咽之病且死謂顧曰爾與我同餓死無益孰若更事他人爾既得所天吾亦幸須臾無死顧飲泣不答數日秦父母携酒饋來視其子相屬為耳語顧度其必以已市也因却不飲食比夜呼女出井上汲水令返取器即窺入井死明日出其屍衣裳內外俱綴綴固密不令見體事在萬曆初時年二十有九

陳氏 雙烈 都御史陳潛夫之妻妾皆孟氏本姊姊也丁亥 師下紹興潛夫沉淵死妻慨然從之妾呼曰姊少待我遂把臂俱沉於河

陳氏 朱道弘妻弘挾醫術僑居石門適海寇至人盡走陳抱持幼子與道弘相失遇賊迫之同行給賊稍

寬置幼子并傍投井中
死時嘉靖丙辰歲也

國朝

傅氏三烈

莊氏傅元英繼室錢氏元英子與霖妻陳氏弟世禎之婦也乙酉夏游騎抵武林城中人

四竄與霖奉母莊及妻錢弟婦陳同往金家壑避兵騎齧至家人競走林樾中莊及錢走江邊陳稍後一

騎猝至陳擲珠串祈免既入橐復逼之陳大罵被三創度不免罵愈烈後一及唇吻決遂死騎沿江者及

莊錢氏莊一躍入江錢氏手抱兒繼之人稱傅氏三烈

鮑氏

舉人經綸女武進士汪亢宗之妻亢宗病亡氏欲以身殉之舅姑勉以立孤乃止已而二子俱殤氏

遂閉戶服鹵死康熙九年同邑士民呈請旌表

李氏

盛我凝妻結禍數載克盡婦道會鷓草時里有姚子卓脅同鄉勇樹幟抗命一時戎馬踐躪婦女逃

錢塘縣誌

卷之二十八

列女烈婦

五

亡被劫甚眾氏劫至武康之下溪灣伺其不備即投茗溪而死越一日屍浮於溪胸抱大石逆流二十里見者始收其骸天正炎爍肌膚不變胸石不解有力者不能脫數日後傳聞至家凝往拜之石即下蓋靈爽不歿云

陸氏

邵周書妻陸桐鳴女襁褓中桐鳴口授孝經即成誦後能詩及文桐鳴嘗戲語曰使吾女為傅士高

第弟子不媿也年十九歸周書屢躓有司試鬱鬱幸時陸方婉身念呱呱誰為撫不敢死抱孤隕涕曰天

如不絕邵氏宗者我當作未亡人十五年聞者弗為意也謝膏沐却鉛華長齋綉佛以撫遺孤名之曰芳

親為訓讀講繹大義十一就外傳以女紅佐脩脯芳年十五出應試即冠其曹陸因謂曰汝可自立我將

報汝父於地下矣芳驚訝陸笑解曰戲汝耳詰旦禮佛如常命芳往別室錄所試文芳心動急啓戶已盈

矣製衰經及遺命皆預存篋中益十五年中氏固無須臾忘死者從容就義雖古烈士何以加茲含殮之

日容色如生二十一
年子芳登山左賢書

曾氏 林邦基妻年二十一歸林善事高堂克襄中饋

忽染危症醫禱莫效彌留之際若猶有待者氏知之許必以身殉目遂瞑既殮停柩氏曰盍其右以我隣里以其事聞於邑令邑令未勸爾自三并頌泉帛始含痛任事亡何舅姑相繼死附身附棺一切皆經紀周備忽自念曰永訣一言尚何等耶遂謝絕不食姻戚勸進不聽將歿猶梳櫛理容莊坐而逝計不食者十四日年三十有六其絕命詩云鏡裡菱花冷三年淚未乾已終姑舅老復咽雪霜寒我自從夫去人休作烈看西泠松栢下相與共盤桓時當酷暑玉質如生先是氏嘗鎔金十餘粒置懷袖間以備倉卒蓋矢志若此隣孀顏氏以貧乏將改適氏曉以禮義教以女紅卒無他志

王氏 貢生查梓妾也梓嘗客秦年六十娶氏氏年方十五挈歸浙中食貧操作者計十年許某歿月餘氏

錢塘縣誌

卷之二十八

列女烈婦

六

卽服鹵死氏生平雖身處側室而寡言不苟杭族呼妾為姨隣有富室妻多醜行每過亦呼氏曰姨姨氏毅然作色曰汝何人亦敢姨我其持身嚴正類如此嗚呼氏不媿夫世之為人妻而再醮三醮者哉

戴氏 吳錫妻年十七歸吳六年仇儼相數如賓錫以苦志力學染病卒氏誓以身殉投繯絕粒濱於死者凡七矢志不渝隨吞碎金嘔碧血數升而斃事聞眾為歛金建祠祠命名吞金在西湖孤山之濱詩歌成集

孫氏 小字秀姑父母早亡歸其夫楊為養婦未成婚也夫與翁俱遠買他方烈女與其姑俱隣有狂且閻艷其色百計誘之一日值浴閻從闕下伸手握其體女嚙其手始脫去又伺姑他出闕其戶以漿奉女女卽擲杯破其面流血且涕泣詈之閻恚甚揚言我夜穴壁來汝更奚避女懼乃密縫其衣表裏連綴不可解姑歸仍炊茶以進而自服鹵計床死夜半閻果至姑驚呼起視之女已絕矣時年十五云隣壘鳴諸

官大中丞張備禮收歿酷暑中顏色
如生立鞠閭寘之重典上其事於

朝建坊紳士共作
詩文弔之

童氏

嫁傭春者高良其舅陳四為興夫傭巨商家暇甥
婦有姿色故虐使良不令與其婦合未逾年良死
四陰計欲以童獻某商為妾童哭詈彌甚絕粒七日
而歿里隣將狀其烈婦事於有司為四所阻而止未
幾四暴疾卒

烈女

元

翁氏姊

年四十不嫁至正間寇陷錢塘與弟忠一家四
人誓結袂死於河姊曰河之死者穢矣吾獨尋
乾淨水死忠等赴一姊赴城陰
古井死焉楊庶夫有詩弔之

錢塘縣誌

卷之二十八

列女烈女

七

曹處女

名雪字玉英年十三善鼓琴十五工詞翰母沒
竭力營葬年五十不嫁常自誓曰死作處女塚
至正間錢塘喪亂處女閉戶三日餓死楊庶夫弔以
詩曰曹處女白雪雲母惜白雪雲抱玉真珠擊十三
學瑤琴不作漢上聲十五弄彤管不作花草情叮嚀
媒與灼必嫁與公卿英英馬上郎猶帽繡衣裳官家
促處女願作處女郎昨日交處女帶今日催處女粧
時以黃金屋薦以白玉床大珠連理帶七寶合歡囊
大珠五十萬七寶百萬鏹黃羊尾如扇文雞若鳳凰
置酒結高宴長跪起行觴處女誓慈母有死不下堂
慈母莫做志皎節如秋霜嗟嗟曹處女處女節獨苦
事母終母喪母墳成負土白髮五十秋五十終處女
誓作處女墳南山華表柱荒城兵火交三日不開戶
生作獨月娥死作黔婁女我作處女辭用激城中三

家婦

明

劉烈女 居江滸年十九許字諸生吳嘉諫女家樓臨南
上簷斫窗入女起大呼賊至父元輔驚起擒之隣聞
斬門奪去且云密約以蟻女女聞之遂閉戶投繯卒
器之官有丁玉蘭為張謀賄元輔元輔故訴女蒙汚
若為姦狀露者郡守劉夢謙疑之念即如若父言囚
無死法乃故緩其獄數日燕得烈女死及元輔受全
狀與司李劉某共治之一訊吐實論張死先是女死
三日嘉諫往弔盛暑顏色如生以法驗女眉實處子
拊屍大慟烈女眼忽流血血直激嘉諫面嘉諫手拭
之乃已而丁玉蘭一日晝見烈女責
之叩頭自搏立死時崇禎庚辰歲也

貞女

明

陳氏 主事鏞女弟許嫁禮部員外郎孫迪未婚而迪云
極還家女告父母衰經至迪家見舅姑臨柩伏哭

錢塘縣誌

卷之二十八

列女貞女

八

盡哀遂服喪三年終身
不嫁壽踰七十卒於家

高氏 高舍人恂女許郡學生陳文濠文濠病天女聞許
號慟製服赴弔比發引哭送及墓誓不嫁年七十
卒

李貞姑 性端簡貞靜年十七許聘王亦可王年十九病
死貞姑號慟幾絕屏迹小樓斥去鉛綺粗衣蔬

食形影相弔八載病劇他無所言但屬
取王生像一訣至則已沒矣合葬生墓

鄭元貞 年十二許字郡人高瑞瑞出云不返舅姑辭之
父母欲更字元貞以死誓父母不能奪一日從

容白父母曰許見為高氏妻勿獲嬪願一識其門父
母許之具舟揖送至高既拜舅姑比晚父母促之歸
泣曰今日豈有還理遂居於高數歲以孝聞舅姑憫
其誠為之立嗣暇日舅嘗與真言其夫步且云耳後
有大黑痣真識之後有奸人假瑞來歸舅誓不能復
辨聞其述舊事甚悉喜曰真吾兒矣元貞曰誓言或

恐僞潛察其耳後無痣辨非是拒之乃免爲所污竟室女終身隆慶中旌表年六十七卒

徐貞姑

幼許沈麟爲妻麟卒貞姑甫十九泣陳父母製服赴喪奉事舅姑以孝聞終年紡績不踰戶限內外嫻親莫覩其面年踰七十卒部使者表其門

潘聖姑

五歲許孫登明以貧故未娶卒聖年十八方食聞訃卽推案廢箸而泣毅然請奔喪奉姑不得遂蓬首垢面坐一榻或竟日不食姑卒夫服亦將闋孀女奴曰我死當葬我孫氏墓七日不食而卒父不從瘞後園秘不傳適督學陳大授閱卷假寐女哀經形見曰吾保安坊貞女潘聖姑也公司學校敦風化宜爲吾表揚陳驚寤待旦傳邑令廉之具得其事卽詳臺使者具題報可附祀表貞祠同時又有李三姑者事與潘同

許三姑

幼字蔡九經未嫁經卒許年十七聞喪卽持剪刺喉流血救蕪奔喪躡登姑樓剪髮食淡勤

錢塘縣誌

卷之二十八

列女貞女

九

女紅雖至親不見其面壽八十七順治十四年建坊旌表

周招姑

周友聞女幼聞潘聖姑事索其傳求父訓誥父訝其語女曰詎非分內事耶年一許配郁從善從善病卒計至女時年十八欲往視含父母斬之藏鹵筒中俟昏定自盡又使母姊委曲諭之曰兒郁婦也誓不他往無何郁姑病蠱危甚請往問父母默然時方製衣取剪自刺母知不可奪偕往至郁中堂索孝服拜夫靈几易服拜姑病所事病姑朝夕不離左右湯藥必親割臂和羹以進姑疾愈爲立後嘆曰吾無憂矣當效潘聖姑報先死者於九原耳絕食數日死萬曆乙卯年二十三

凌淑英

太守凌立女孫七歲喪父不妄笑語年十四受沈九方聘未婚九方卒英欲過沈守制母難之曰委禽之先唯命今日非母所能制也衰經入門撫棺哭幾絕移晷乃甦起拜舅姑坐卧一小樓服闋又二年以病卒先嘗製指環二鐫二字曰守貞曰完璞病將革解守貞環與姑曰以此報姑解完璞與母曰

以此報母年纔二十有二時萬曆丙辰

丁貞娥

太學生魏某聘為繼室方委禽太守以豪右言置魏獄娥未之知也夢黃玉杯墮地碎詰朝謁於父曰夢何祥也父告以故且曰魏郎病疫危甚而太守怙過不自悔奈何娥曰計莫如誣服出獄即不幸得正而斃矣父如言緩其獄出抵家卒娥聞慟哭請往奠父母不許以死請母與俱往至則撫棺躡踊哭幾絕次日呼其二子前曰余與汝父聞名耳然義與之齊豈以死生易哉我誓不出戶守汝父喪或止之不聽親媪咸驚嘆三年坐帷中哭泣朝夕奠如禮服闋始歸寧父母教二子成立為諸生有文名年六十六卒虞司勳淳熙為之傳且請當事旌曰貞娥

吳柏

孝廉杉女弟許字陳允璧將嫁允璧卒號慟誓不嫁或以微詞動之輒闔戶自縊父母憐之乃許歸陳入門泣拜姑嫜曰今日得稱歸矣子亡婦在子職即婦職也布衣操作為陳婦七載病瘵撫允璧之柩

錢塘縣誌

卷之二十八

列女貞女

十

一慟而卒柩能詩有集曰樾陰吳宮詹太冲序而傳之

沈四姑

許范國璋璋甫十五疾不治計聞沈固請視殮已服斬衰稱未亡人范貧甚三孀共處糞殮不繼女安處無異志守貞四十五年五十九卒

沈三姑

受何宗祚聘未婚祚卒沈號慟願叩夫柩死且瞑目母不得已許往奔喪哭奠如禮迎之不肯還日事箴紉供堂上餐及舅姑相繼歿罄嫁時奩具治喪葬畢遭歲歉斗米四百錢晨起探作飢則飲水一勺侍御楊廷筠聞之月贈粟昂年七十七卒合葬孝子墓

國朝

王四姑

許配徐天禧未婚而禧卒哭奔其喪無二志服闋舅姑諭意不從絕食而死臨終言烈女不更二夫吾今得死所矣時年十八康熙十一年題旌入表貞祠

盧貞女

全人聘為繼室未成婚而全人死泣請過門行
三年喪上無公姑下鮮子姓煢煢孤立守志不
二夫有遺田十畝餘巡撫范激
獨其役卒後題旌建坊湖畔

丘二姑

父應昌母萬氏年十五母疾剖股以進母疾頓
愈仁邑鄧貞聘為繼室未娶而貞死二姑聞之
慟哭而誓曰身既許鄧矣敢不為鄧守乎即衰經過
鄧宇其遺孤艱苦備至終不移其志焉康熙十七年
有司旌表

郭氏

海寧孝廉斗山女錢唐吳唐所聘也幼涉覽書傳
明大義唐篤行嗜古學使彭奇其文拔剋弟子員
食貧攻苦以疾卒氏哀傷欲自盡父母驚救之氏曰
父母以兒字吳即吳室婦也欲兒不死必令兒往一
哭從之登門拜姑婢畢憑棺慟絕即服縗麻守總帳
於百日內厝棺於祖墓側翁姑又相繼歿子影乳乳
父挈歸海寧編茹素不聞笑語甲午寒食請於父
日兒不奠吳氏壠久矣願一往伏地悲號哀感行路

錢塘縣誌

卷之二十八

列女貞女

十一

自此奄奄不起一旦盥沐向父母訣曰兒以兩大人
年高不即死為弟尚幼耳今弟已成立兒當與吳即
同穴一筭而逝室聞異香許尚書
汝霖作長歌弔之紳士屬和甚眾

沈氏

下扇里沈瑞春女年十四許字范國章章工文辭
與貞女同庚年十七病歿女方同母飯聞計驚愕
失箸隨遺母喪晝夜號慟有錢姓為執柯強持其父
口汝弟允女自不敢逆貞女聞之截髮毀容鑿戶自
縊小婢奔告父兄排闥救免祖姑王重其志節捐金
葺一尼菴居之旬日步歸告其祖姑曰非所宜居也
仍棲母家獨處一小樓勤蚕織以終
老六十三歲卒巡撫趙 題請建坊

顧氏

年十五許字茹兆之未幾兆卒氏聞訃即稟命父
母欲往執喪父母弗許固請乃歸於茹奠而不泣
人怪之氏曰吾未成婦禮不當泣從一而終義自當
奠遂稱茹家婦事舅姑以孝聞立姪之案為後教誨
成名儒年八十餘卒之案毀婦姚
氏亦苦志守節年近八十而卒

討氏

字司里陳桓桓負武勇甲寅征闖殺於陣討至父

匿不以聞氏竊知之慮更許遂絕粒誓死欲往奠

父不得已從之既至勅興入歸曰今日從一終矣桓

家素貧舅姑老而病俱力辭氏曰吾既受陳聘死且

為陳鬼貧何懼日勤操作以供脩灑舅姑踵歿家愈

窶或日中未炊氏夷然啜清茗數甌無怨色兩遭火

災氏獨奉先人主及桓畫像奔出餘具不顧可謂諳

於大義年六十餘巡撫黃 題請奉

旨建坊使顯捐 貲葬於葛嶺

解氏

名坤元解仲良長女許字某氏母亡仲良貿易吳

門坤元偕弟妹持門戶足不及戶外仲良續娶余

氏隣惡少執柯也惡少素以舅事仲良至是往來益

密一日伺余氏他往潛入內室調詭焉坤元懼遂服

瀉腸裂而死邑令董以 激烈全貞扁額獎之

李氏

名姝壬辰進士禧熊女孫父垣茂才授徒外舍有

友張斌客武昌使子仕華來學遂以姝許字焉踰

錢塘縣誌

卷之三十六

列女貞女

十三

年仕華卒姝年十八跪父前請終志日兒意決矣願

廢房以棲食不足以十指補之舅歸喪服出見舅蒙

眇日吾不忍復見此也遂去武昌不返既卒姝親為

迎櫬歸與姑合葬於金沙灘仕華兆其傍蕭山毛奇

齡為

之記